

Nik, JESUS M^a MADINABEITIA JAUREGUI jaunak, Oñatiko Udaleko behin behineko idazkari naizen honek,

Toki Araubidearen Oinarriak arautzen dituen 7/1985 Legearen 92. bis artikulua eta gaikuntza nazionala duten toki-administrazioen funtzionarioen araubide juridikoa arautzen duen martxoaren 16ko 128/2018 Errege Dekretuaren 3. artikuluan xedatutakoaren arabera

Honako hau EGIAZTATZEN DUT:

Idazkaritza honetan nire ardurapean dauden datuen arabera, **osoko bilkurak, 2026ko uztailaren 23an**, ohiko bilkuran, besteak beste, honako erabaki hau hartu zuen, eta hitzez hitz transkribatuta dio:

"5.-: 2025eko Kontu Orokorrak (Esptea: 2026ZOR0118)

Idazkariak Alkatearen proposamen hau irakurri du dagokion batzordeak eman zuen horren gaineko irizpena:

"Paskual Elustondo jaunak (Udal Kontuhartzaileak eta Kontu batzorde berezien batzordeko idazkariak) ekainaren 16ko dataz emandako diktamenean (CSV zkia: SINA8e023926-9842-4858-98a4-38d333bc0573) Kontu Batzorde Berezien Batzordeak honako proposamena egin zuela:

2025eko UDAL ENTITATEEN KONTU OROKORRAREN MEMORIA

Kontu-hartzaile honek, Gipuzkoako Lurralde Historikoko Toki Erakundearen aurrekontuei buruzko 21/2003 Foru Arauaren 62, 63 eta 64 artikuluek diotena betez, ondorengo Memoria luzatzen du:

MEMORIA

A.- Udalaren, S.Martin egoitzaren eta udal enpresen finantza eta kontu-ikuskaritza eta efikazia-kontrola eta Udalaren ondoko kontrol kontu-hartzaile osoaren lagina

Oñatiko Udalaren, S.Martin Egoitzaren eta enpresa publikoen barne-kontrolak hiru modalitate ditu:

- 1.- Funtzio ikuskatzailea: Ondoko barne-kontrol ikuskatzailea
- 2.- Finantza eta kontu-ikuskaritza kontrola
- 3.- Efikazia kontrola

A-1.- Funtzio ikuskatzailea: Ondoko barne-kontrol ikuskatzailea

Funtzio ikuskatzailea, ikuskatze mugatuaren bidez egiten da eta gero lagin adierazgarri baten ikuskatze osoa gehitzen zaio.

2020ko otsailaren 27ko Osoko Bilkuran, besteak beste, 2020ko Finantza Kontrolerako Urteko Planaren berri eman zen. 2026ko maiatzaren 28ko OBn honako dokumentuen berri eman da:

- Barne fiskalizazioa: Laburpen txostenaren berri ematea
- Barne fiskalizazioa: Egokitasun Txostenaren berri ematea
- Barne fiskalizazioa: Ekintza Planaren berri ematea

Ikuskatze mugatuaren ezaugarri nagusia aurretiazkoa izatea da. 2025eko ekitaldian hala jardun da eta ikuskatze mugatuan ziurtatu da, eduki ekonomikoko eragiketak araudira doitu direla. Ikuskatze osoari dagokionez berriz, lagina jasotzen da "Kontuhartzailtza(W)/paskual(X)osagarria/Fiskalizazio-Barne kontrola/Barne kontrola/2025-Barne Kontrola/2025Fiskalizaio osoa+Finantz" artxibategian.

A-2.- Finantza eta kontu-ikuskaritza kontrola

2025eko Kontu Orokorra sei entitateetako kontuez osatuta dago:

Alde batetik: Udala, San Martin Egoitza Erakunde Autonomoa, Oñargi SL, Oñatiko Ur Jauziak SA eta Merkaoña SL

Bestetik, Suradesa administrazio zentralak Oñatiko Udalari atxikita.

Aipatu erakundeak, Udala ezik, ez daude kontu-hartzailtza eta aurretiazko ikuskatze-kontrolaren menpe; finantza- eta ikuskaritza-kontrola ondoren egiten da, ikuskaritza prozeduraren bidez. Erakunde bakoitzaren atalean aipatuko da zer iritzi eman duen ikuskaritza-enpresak. Hala ere aurreratu daiteke, beren iritziek zera diotela, erakundeek eragiketek eta kontuek irudi fidela azaltzen dutela.

Kontu Orokorrak, eskematikoki esanda, bera osatzen duten entitate bakoitzaren Balantzea, Ondarearen emaitza ekonomikoen kontua, Ondare garbiaren aldaketak, Diru-fluxuen egoera-orria, Memoria eta Aurrekontuaren Likidazioaren dokumentazioa (enpresen kasuan ezik) izaten ditu. Azpimarratu beharra dago, Oñargi SL, Merkaoña SL eta Ur Jauziak SA enpresen kontuak kanpo ikuskaritza-enpresa pribatuek ikuskatzen dituztela (PKF-ATTEST). Udalaren kontuak urtero Herri Kontuen Euskal Epaitegiak fiskalizatzen ditu.

Kontu-hartzaileak dio, goian aipatu erakunde bakoitzak bere administratzaileak dituela eta beraiek arduratzen direla, besteak beste, kontabilitate kudeaketaz. Behin kontuak ixten dituztenean, Kontu-hartzaileak entitateok aurkeztu dokumentazioa jaso, aztertu eta txostena egiten du, Kontu Orokorren dokumentazioa osatuz.

2025ko Kontu Orokorrean dauden entitateei dagokionez, bakoitzaren memoria irakurtzera igortzeaz gain, zera esan daiteke:

1.- San Martin Egoitza Erakunde Autonomoaren kontuei buruz azpimarratu behar da, 2018.ekitaldiko uztailetik, bere jarduera Kabia erakundearen esku dagoela. Beraz, 2025eko ekitaldian ere erakundeak ez du jarduerarik izan. Bertako erabakitze-organoa aztertzen ari da zein izan daitekeen erakundearen etorkizuna.

2025ean 9.633,40 € inguruko irabaziak izan ditu (iaz, 830,23 €); arrazoia zera da:

- Alde batetik, jabegoaren udal zergen gastuak, eta bestetik, alokairuan duen ibilgetu baten sarrerak.

2.- Oñargi SL: Enpresa honen jarduera ekonomikoa 2002. ekitaldian hasi zen. Aurten, 180 mila euroko mozkinak ditu (iaz, 39 m.€). Oñatiko Udarentzat partaidetza-kontuen zenbatekoa 581 mila eurokoa da (iaz, 924 m.€).

Oñargiren kontuak PKF-ATTEST enpresak ikuskatu ditu (PKF-ATTESTen txostena dokumentuari erantsi da), beraiek azaltzen duten irudi fidela baieztatuz.

3.- Ur Jauziak SA: Enpresa honek 183 mila euroko irabaziak ditu (iaz, 528 m.€).

Auditoreen iritziz (PKF-ATTESTen txostena dokumentuari erantsi da), enpresaren kontuek egoera ekonomiko-finantzarioaren irudi fidela azaltzen dute.

4.- Merkaña SL: Udalak, araudiak behartuta, 2003. ekitaldian sortu zuen enpresa da.

2009ko uztailean arte ez zuen jarduerarik izan, eta uztailetik aurrera, CHC enpresaren agente lanak egin ditu, abonatu bakoitzeko komisioa kobratuz.

2023an zehar abian jarri zen Merkaña telekomunikazio aktibitatea, Onaro izen komertziala duena. Hori dela eta, Merkaña beste dimentsio bat hartu du, negozio-zifra bikoiztuz; Gastuak ere handitu dira.

2025eko ekitaldian 14 mila euro irabaziak izan ditu (iaz, 44 m €)

Auditoreen iritziz (PKF-ATTESTen txostena dokumentuari erantsi da), enpresaren kontuek egoera ekonomiko-finantzarioaren irudi fidela azaltzen dute.

5.- Udalaren kontuei buruz esan, 2025eko Aurrekontuaren Likidazioaren Memorian ekitaldiko kudeaketa eta entitatearen egoera ekonomikoari buruz esandakoa ez dela aldatzen. Gainontzeko datuei dagokienez, egin den gauza bakarra zera da, Likidazioko datuak kontabilitate pribatuaren antzeko formatuan ipintzea.

6.- Suradesa: Ekitaldiko emaitza 0 izan da (iaz, 0 €koak).

A-3.- Efikazia-kontrola

2025eko Likidazioko dokumentazioan gastu eta sarrera kapitulu bakoitzaren gauzatze eta burutzapen mailak azaltzen dira, baita departamentuenak ere.

B.- Gainontzeko informazioa

Memoria honetan kontabilitateari dagozkion zenbait informazio jasoko da.

1.- Amortizazioa

Amortizaziorako irizpidea aurreko urteko berdina da, alegia, erreferentziazat Sozietateen gaineko Zergaren 7/1996 Foru Arauaren 11. artikuluko taula erabili da.

2.- Aurrekontuaren Likidazioaren eta Kontabilitate Orokorreko datuen arteko erlazioa.

Atal honen xehetasunak Kontu Orokorren A liburuki honetan azaltzen dira. Ondoren, Aurrekontuko datuak eta Ondare kontabilitatekoak bat datozela egiaztatzeko erabili diren konprobaketak zerrendatzen dira.

3.- 2024. urteko emaitza kontuz aldatzea

2025. urteko kontuak itxi baino lehen, 2024. urteko emaitzak, "1290:Ekitaldiko emaitza" kontutik "1200: Aurreko ekitaldietako emaitzak" kontura aldatu dira.

4.- Kobragarritasunari buruzko ikerketa

2025eko Aurrekontuaren Likidazioaren 1.i puntuan zera jasotzen da.

"1-i.- Saldo kobragaitzen estimazioa

Aurtengo kobragaitz edo kobraezinen zenbatekoa kalkulatzeko irizpide hauek erabili dira (21/2003 F.A.-ren 48.6 art.):

a.- Kontuetan izendatu zirenetik 24 hilabetetatik goranzko antzinatasuna duten sarrera onarpenak jaso dira: 137.307,85 euro

b.- Errolda fiskalen kobrantza-maila kontutan izanik kobragaitzat jo direnak (Udalgida-web orria-2024: % 98,1): 7.067,00 euro.

Guztira: 144.374,85 euro."

5.- Konprometitutako abalak

Ez dago konprometitutako abalik.

6.- Sektore publikoko entitateetan partaidetza kontuari buruzko zehaztapena

Ez dago inolako gorabeherarik.

7.- Inbentarioan aldaketak

Oñatiko Udalak bere inbentarioa eguneratzeko kontratu bat du Sastein SL enpresarekin. Honek, ekitaldia bukatu ondoren udal ondarea berraztertzen du eta baita txosten bat luzatu ere, non egindako aldaketak arrazoitzen diren. Txostena iritsi da eta, Kontu Orokorren kontabilitatean beharrezko idazpenak egin dira, inbentarioaren balorazioa eta balantzea bat etor daitezen.

8.- Doikuntzak

Ez dago doikuntzarik.

9.- Konklusioa

Udal Entitateen Kontu Orokor hauek, Oñatiko Udalaren ekonomi esparruko ondarearen, egoera finantzarioaren, emaitzen eta lortu eta aplikatutako baliabideen irudi fidela islatzen dute.

Batzordekideei gogorarazten zaie, Kontu Orokor hauek, Batzorde Berezi honen txostenarekin, jendaurrean ipiniko direla 15 egunetako epez, eta ondoren Osoko Bilkurak dagokion akordioa hartuko duela.

Kontuen Batzorde Bereziak, aho batez, 2025eko Oñatiko Udalaren sektore publikoaren Kontu Orokorren aldeko txostena luzatzen du.”

Jendaurrean jarri zen 2026ko ekainaren 18ko Gipuzkoako Aldizkari Ofizialean (113 zenbakia) eta data berdinean Udalaren iragarki taulan eta ekainaren 18tik uztailaren 10era (15 lan egun) ez da inolako alegaziorik jaso.

Gaia aztertuta, eta Alkatearen proposamena kontuan hartuz, udalbatza osatzen duten hamazazpi zinegotzietatik hamasei bertaratuta, alkateak bozketa agindu du. Proposamena zinegotziek aho batez onartu dute.”

Ziurtagiri hau dagokion akta onartu baino lehen ematen da, eta ohartarazi geratzen da, 2568/1986 Errege Dekretua, azaroaren 28koa, Toki Erakundearen Antolaketa, Jarduera eta Araubide Juridikoaren Erregelamendua onartzen duen 206 artikulua arabera.

Honela jasota gera dadin eta bere ondorioak izan ditzan hau sinatzen dut sinadura digitalean ageri den datan.



Sinaduren laburpena / Resumen de firmas

Titulua / Título:

2026ZEBOR0118-OB ziurtagiria/PM certificado (OÑATIKO UDALA)